



Årsmelding 2015

Naustdal Båtlag har pr. 31.12.15 - 137 medlemmar. Det stod 22 personar på venteliste for tildeling av båtplass. Av desse er det 20 personar med adresse Naustdal og 2 personar med adresse i andre kommunar.

Styret har hatt 4 styremøter og handsama 15 saker. Det viktigaste styret har arbeidd med er nemnt i årsmeldinga.

Tillitsvalde i Naustdal båtlag i 2015.

Styret:

Leiar: Egil Gulholm
Skrivar: Oddbjørn Schei
Kasserar: Sverre Nordgård
Styremedlem: Daniel Stave
Styremedlem: Jan Petter Sæbø

Revisor: Svein Øverland
Bjørn Olav Erdal

Valnemnd: Henning Svoen
Odd Haugsbakk

Rekneskapsførar

Styret har i 2015 hatt avtale med Sverre og Olaug Nordgård som rekneskapsførarar for Naustdal Båtlag. Arbeidet omfattar å føre rekneskap, betale rekningar, sende ut faktura, ajourføre medlemslister, sal og kjøp av båtplassar, oppdatere venteliste, ajourføre heimesida og andre oppdrag knytt til økonomiske forhold i samråd med styret.

Båtlaget har betalt kr. 12.000,- i godtgjersle og kr. 2.000,- for bruk av utstyr, telefon, kontorleige mv.

Hamnesjefar

Henning Svoen, Leif Hafstad og John Bendiksen har vore hamnesjefar i 2015.

John Bendiksen er ansvarleg for å administrere utleige av straummålarar i båthamna. Han skal og sjå til at bruk av straum i båthamna skjer i samsvar med hamnereglane. Hamnesjefane har vore kalla inn på styremøta etter behov. Hamnesjefane har ikkje stemmerett i styremøter. Hamnesjefane har motteke kr. 1.000,- i godtgjersle for telefonbruk mv.

Godtgjersle til tillitsvald

Skrivar og leiar i båtlaget har motteke kr. 1000,- i godtgjersle for telefonbruk mv.

Kjøp og sal av båt plassar

Det har vore omsett 4 båt plassar i 2015, to 4 meter plassar, ein 6 meter plass og ein 8 meter plass. Det står 22 på venteliste for kjøp av båt plass.

Investeringar i båthamna

Oppgradering av elektrisk anlegg på flytebrygger og gjestekai er slutført. Det er lagt opp eigen tilførsel separat til dieselanlegget, dette for å sikre betre stabil elforsyning til kortautomaten. Det er skifta lypærer i nedgangsbuene aust og vest.

Det er montert oppslagstavle i vestre hamn. Tavla er laga av Ståle Nordnes og båtlaget har overteke den frå Naustdal kommune.

Internkontrollsystem opp mot HMT (Helse-Miljø-tryggleik) er etablert.

Lagerplass i båthamna

I driftsbudsjettet for 2013 var det avsett kr. 10.000 til lagerrom i bua i vestre hamn. Styret vurderte at eit slikt lagerrom ikkje ville dekkje dei behov båtlaget har, og det vart arbeidd med å finne andre løysingar. Vi fekk vi tilbod om å kjøpe ein container som var isolert og i god stand for kr. 15.000. Vi fekk avtale med Endre Gundersen om å plassere den i vestre hamn. Containeren var på plass hausten 2014. Det er planar om å leggje inn straum og sette opp hyller/reolar i 2016.

Dugnad

I 2015 vart det utført 171,5 timar dugnad i båthamna, og av desse vart 171,5 timar godtgjort med kr. 100,- pr. time. Totalt vart det utbetalt kr. 17.150.- i dugnad. I tillegg har styremedlemmane til saman utført ca. 160 timar dugnad i samband med interne og eksterne møter, arbeid med saker mv.

Lagercontainer er vaska og rydda. Opplags/parkeringsplass vest er rydda og grusa. Ein del stor stein er lagt som eit gjerde mot sjøen frå nabogrense Gundersen og austover.

Forrøyning på flytebrygge vest er forbetra: Alle kjetting som går i land i vest er byta ut. To brest og to spring samt ein ekstra kjetting som går frå vest enden av brygga og opp i land under hovudvegen, retning gamle meieriet.

Det er innkjøpt kjetting for ytterlegare forbetring av fortøying på brygger i hamna. Det er vidare skaffa pålar som skal nyttast i samband med fortøying til bryggene.

Det er utført vedlikehald og service på kortlesarar på begge dørene.

Møte med Naustdal kommune

I 2015 har båtlaget delteke i fleire møter med Naustdal kommune, der vi informerte kommunen om båtlaget sin investerings- og prosjektplan for perioden 2014-2017. Det var teke opp med kommunen om det er mogeleg å søkje om eksterne midlar til nokre av prosjekta.

Vidare tok vi opp avtalen mellom kommunen og båtlaget om disposisjonsretten til båthamna. Gjeldande avtale er gyldig i 25 år til 1.1.2020. I samband med fornying av avtalen vart eigarforhold i vestre hamn teke opp. Kommunen ville sjå på dette og det har vore kontakt mellom båtlaget og kommunen utover i 2015.

Investerings- og vedlikehaldsplan for 2014-2017

Eit av prosjekta som var sett opp i investerings- og vedlikehaldsplanen i 2015 var utbygging av fleire båt plassar på innsida av moloen og mot fylkesvegen. Vi har hatt kontakt med kommunen og Statens vegvesen og slik det ser ut må det gjerast ei grundig konsekvensanalyse om vi skal få etablert brygger opp mot fylkesvegen. Årsaka er dårleg grunnforhold og ein er usikker på om massar under fylkesvegen kan gli inn i båthamna. Denne saka er ikkje klar for årsmøte i 2016, men det vil bli arbeidd vidare med dette prosjektet i 2016, og styret tek sikte på å leggje fram eit forprosjekt med for årsmøte i 2017.

I samband med kommunedelplan for idrett, friluftsliv og kulturbygg var båtlaget den 16. oktober i eige møte med kommunen for å drøfte eit mogeleg samarbeid om servicebygg i båthamna. Kommunen ser positivt på tiltaket men har ikkje gitt lovnad om økonomisk bidrag.

Kva gjeld dei andre prosjekta i investerings- og vedlikehaldsplanen viser vi til revidert plan som vert lagt fram som eiga sak til årsmøtet.

Registrere Naustdal Båtlag i Brønnøysund registeret

Naustdal båtlag er 7. november 2015 registrert i Brønnøysund registeret under føretak namn: SA NAUSTDAL BÅTLAG organisasjons nr. 913812778.

Lover

Lovene var sist revidert på årsmøte 2015, mellom anna for å tilfredstille krav frå Brønnøysund registeret for registrering. Styret har lagt fram reviderte lover som sak til årsmøtet. I hovudsak er denne revisjonen å sjå som redaksjonelle endringar.

Hamnereglar

Hamnereglane vart sist revidert på årsmøtet 2015.

Pris på straum og diesel

Styret fastset pris på straum og diesel. Styret har utarbeidd retningslinjer for fastsetjing av straum som vil gjelde for 2014/2015. Styret meiner båtlaget ikkje skal tene på sal av straum til medlemmar.

Kva gjeld diesel vert dieseltanken fylt opp 2-3 gonger i året. Utsalprisen på diesel ved dei ordinære bensinstasjonane varierer frå veke til veke og marginen mellom innkjøp og sal av diesel er ikkje høge. Båtlaget kan ikkje regulere utsalprisen like ofte som dei ordinære bensinstasjonane, men samtidig må vi sikre oss ein margin der vi minimum dekkjer dei reelle kostnadane. Styret har utarbeidd retningslinjer for fastsetjing av pris på diesel i båthamna. Retningslinjene vil vere tilgjengeleg på heimesida.

MVA.

Styret har i 2015 hatt brevsifte med Skatteetaten om eventuell registrering i Meirverdiavgiftsregisteret. Saka er ikkje avslutta.

Informasjonstavle

Naustdal kommune skaffe for nokre år sidan informasjonstavler, der ei er plassert ved gamlebrua og ei på Naustdalsneset. Båtlaget har fått informasjonstavle i båthamna på plass i 2015.

SMS varsling

Båtlaget kan no tilby SMS varsling til medlemmane. Det kan for eksempel vere aktuelt i samband med forhold i båthamna, uvær etc. eller ei påminning om årsmøte, dugnad mv. Ordninga er gratis for medlemmane. Ønskjer du SMS varsling må styret ha ditt mobilnummer. Send ein SMS til styret ved Daniel Stave, mobil [908 35 306](tel:90835306) og skriv i meldinga «Ønskjer varsling» og ditt namn.

Heimesida

Styret vil oppmode medlemmane om å sende inn forslag til kva informasjon som bør vere aktuelt å leggje ut på heimesida.

For styret

Egil Gulholm
-leiar-